

բերելով Հիմնական Օրէնքներից, որ միմիայն Ռուսիոյ Ինքնակալն է եկեղեցական հարցերի օրէնսդիրը և որ եկեղեցին որ և է այլ օրէնսդիր չէ ճանաչում:—«Եւ դա հասկանալի է,—ասում է ատենախօսը, որոհտե Դումայի կազմի մէջ մտնում են բազմաթիւ ոչ-Պրովոսլաւ դաւանութեան պատկանող տարրեր: Եթէ ենթադրենք, որ Դուման իրաւունք ունի եկեղեցական խնդիրների նկատմամբ օրէնքներ դնել, ապա կպատահեն դէպքեր, երբ ոչ-Պրովոսլաւ ձայների առաւելութեամբ կվճռուեն Պրովոսլաւ եկեղեցու խնդիրներ»:

Գօդնեւը ենթադրում է, որ եկեղեցական կեանքի մէջ նկատուած մեծ վիհը, որով աշխարհիկ դասը բոլորովին հեռացրած է եկեղեցական կեանքի մասնակցութիւնից, բացուած է շնորհիւ եկեղեցու բարձրաստիճան հոգևորականների: Բանախօսը մի շարք կոչումներով ապացուցանում է, որ կարիք չկայ պնդելու, թէ վանականութիւնն ու եպիսկոպոսական վիճակն ու աստիճանն իրար չհօգքացնող խնդիրներ են: Ապա դառնալով Սինօդի Աւագ-դատախօսին խնդրում է ամեն միջոց ձեռք առնել, որպէսզի վանականութիւնն ու եպիսկոպոսութիւնն այսուհետեւ այլ ևս իրար հետ կապուած խնդիրներ չլինեն:

Կ Ա Թ Ո Ղ Ի Կ Ե Կ Ե Ղ Ե Յ Ի:

Պապի ներկայացուցիչն ապագայի վեհաժողովում:—Յայտնի Աբրէ Սօդերնին արժարժում է այն միտքը, որ Եւրոպական պատերազմից յետոյ տեղի ունեցող Վեհաժողովին ներկայ լինի անպատճառ նաև Պապի ներկայացուցիչը: Այդ միտքը նա պատճառաբանում է այն տեսակէտով, թէ Պապի մասնակցութիւնը իրաւական կլինի, քանի որ նա պատերազմը յարուցած օրից անդադար խօսել և քարոզել է պատերազմը դադարեցնելու մասին՝ հաշտութեան անհրաժեշտութիւնը ընդգծելով:

Պապի մասնակցութիւնն այդ Վեհաժողովում, ասում է Սօդերնին, այն բարերար ազդեցութիւնը կունենայ, որ Լեհաստանը, Բելգիան, Սերբիան և Հայաստանը կունենան մի անկախ և անշահախնդիր պաշտպան իրենց դատի համար:

Հ Ր Է Ա Կ Ա Ն

Յօգուտ Ռուսաստանի Հրեաների:—Նիւ-Եօքից հաղորդում են, որ այնտեղ կերնեզիի սրահում տեղի ունեցաւ մի բազմաժողով համախմբում, Լեհաստանում ֆուսուած Հրէաներին օգնութեան հասնելու գործի կազմակերպութեան համար:

Ժողովին մասնակցում էին աւելի քան 3,500 հոգի, ի միջի այլոց և Միացեալ-Նահանգների զանազան քաղաքական կուսակցութիւնների, կազմակերպութիւնների և ազգութիւնների ներկայացուցիչներ: Ժողովը գումարուած է American Jewish Relief Comity-ի կողմից, որ նպատակ է դրել ժողովել 1916 թ. ընթացքում 5 միլիոն դոլլար, պատերազմից փաստուած ուսական Հրէաներին օգնելու համար: Անցած տարուայ մէջ, ինչպէս յայտնեց նախագահը, ժողովուել է $1\frac{1}{2}$ միլիոն դոլլարից աւելի—ինչպէս հաղորդում են Նիւ-Եօրքի լրագիրները ժողովի բացումից կէս ժամ անց ստացուեցաւ ներկայ եղողներից տնհատական նուիրաբերութիւններ, որոնցից ամէն մէկը հասնում էր 200,000 դոլլարի. հետեւեալ նուէրները 5-60 հազար դոլլարների նուիրաբերութիւններից էին բաղկացած: Նուիրատուները մտցնում էին իրենց լուծման դրամով, չեքերով, թանգարժէք իրերով, ակներով ու զարդարանքներով:

Ժողովի վերջում նուիրաբերողների թիւն հասել էր ահագին քանակի: Հասարակութիւնն, բառիս բուն նշանակութեամբ, նախագահի առաջն էր պարսպում իւր գրպանները: Նուիրաբերողներից շատ շատերը պարտաւորութիւն էին յանձն առնում իրենց շաբաթական եկամուտի կէսը զոհելու, չնայելով որ եկամուտը շատ անգամ 7 դոլլարից չէր անցնում:

Այդ երեկոյ նուիրատուութիւնների քանակը $1\frac{1}{4}$ միլիոն դոլլարից անց էր, զուտ դրամով, չհաշուելով զարդեր և թանգարժէք իրերը:

Ժողովի ժամանակ, յօգուտ պատերազմից փաստուած ու աւերուած Հրէաների ջերմ խօսք ուղղեց Գրիէր եպիսկոպոսը, որ ի միջի այլոց ասաց, որ Վերիստոնէական աշխարհը մեղաւոր է հրէականութեան առաջ. յորդորեց քրիստոնեաներին ամէն հնարաւոր միջոցներով թեթեւցնել աւերուած Հրէաների վիճակը, որ անտանելի և աներևակայի է Լեհական թագաւորութեան սահմաններում:

Եպիսկոպոսից յետոյ խօսեց Քօրնելիի համալսարանի նախագահը, Նիւ-Եօրքի ուսումնարանական շրջանի հոգաբարձուն, Հիւսիսային-ամերիկայի կօնգրեսի մի քանի ականաւոր ներկայացուցիչներ և լրագրական ընկերակցութեան ներկայացուցիչը: